



ილიას სახელმწიფო უნივერსიტეტი



საქართველოს ენციკლოპედიის
აქტიური ბიბლიოთეკა

უცნობი ავტორი

წამებამ ყრმათა
წმიდათა რიცხვით
ცხრათამ

წამებად ყრმათა წმიდათაჲ რიცხვთ ცხრათაჲ
უცნობი ავტორი

წამებად ყრმათა წმიდათად რიცხვთ ცხრათად
რომელნი იყვნეს სულითა ძმანი ნათლის-ღებითა
წმიდისაგან ემბაზისა, ხოლო-შობილ იყვნეს
თავის-თავისა დედისაგან თვისისა

I

იყო სოფელი ერთი დიდი თავსა ზედა დიდისა მის მდინარისასა, რომელსა ჰრქვან მტკუარი, ჰევსა, რომელსა ჰრქვან კოლაჲ. და იყო უმრავლესი ერი სოფლისაჲ მის წარმართთა კერპთ-მსახური და უმცროდსი ერი ქრისტეანე ღმრთის-მსახური. და შეკრბიან ყრმანი ქრისტეანეთანი და წარმართთანი მღერად, ვითარცა არს ჩუეულებაჲ ყრმათად, და იმღერდიან დღჳ ყოველ. და ჟამსა მწუხრისასა ჰრეკის ხუცესმან და წარვიდიან ყრმანი ქრისტეანეთანი ეკლესიად ლოცვად, ვითარცა არს წესი ქრისტეანეთად. ხოლო ყრმანი წარმართთანი, რიცხვთ ცხრანი, მიუდგიან უკუანა, რამეთუ შესულებულ იყვნეს ყრმათა მათ ქრისტეანეთადა და უყუარდა მათ რჩული ქრისტეანობისაჲ. და ვითარცა მიიწინიან კართა ეკლესიისა, არა შეუტევიან ქრისტეანეთა ეკლესიად, არამედ ესრჳთ ჰრქვან მათ ვითარმედ: “თქუნ შვილნი ხართ მეკერპეთანი, და არა ჯერ არს შემოსლვაჲ თქუენი სახლსა ღმრთისასა”. და იგინი წარვიდიან გულკლებულნი და სირცხვლეულნი და მრავალ-გზის ყვიან ესრეთ ყრმათა მათ. და შემდგომად ამისა, მივიდეს ყრმანი იგი წარმართთანი ეკლესიასა ქრისტეანეთასა, და ენება შესლვაჲ მათ თანა მძლავრობით. მაშინ ჰრქუეს ქრისტეანეთა: „უკუეთუ გნებავს შემოსლვად ჩუნ თანა ეკლესიად, გრწმენინ უფალი ჩუენი იესუ ქრისტე და ნათელ იღეთ სახელისა მიმართ მისისა და ეზიარენით საიდუმლოთა მისთა და შეგუეთენით ქრისტეანეთა“. ხოლო მათ მუნქუესვე სიხარულით შეიწყნარეს სწავლაჲ იგი ქრისტეანეთად და აღუთქუეს ესე ყოფად. ხოლო იგინი მწრაფლ წარვიდეს მდდელისა მის, რომელი იყო ხუცესი სოფლისაჲ მის, კაცი წმიდაჲ, ღირსი და პატიოსანი, და აუწყეს საქმჳ

ყრმათად მათ. ხოლო მან მოიკსენა სიტყუად იგი სახარებისად, რომელი თქუა უფალმა ჩუენმან იესუ ქრისტემან: "რომელმან არა დაუტევოს მამად თვისი და დედად თვისი, დანი და ძმანი, ცოლი და შვილნი, და არა აღილოს ჯუარი თვისი და შემომიდგეს მე, იგი არა არს ჩემდა ღირს". მაშინ წარვიდა მღდელი იგი თავსა ზედა მდინარისა მის დიდისასა და მის თანა სიმრავლეწ ქრისტეანეთად. და იყვნეს ყრმანიცა იგი წარმართთანი მათ თანა. იყო ჟამი ზამთრისად და ღამწ ნეფხვისად, რამეთუ დღისი ვერ იკადრებდა ნათლის-ცემასა მათსა შიშისაგან წარმართთადსა. და უფალმანცა ჩუენმა იესუ ქრისტემან ღამწ ნათელ ილო იორდანესა მდინარესა იოვანწსგან. მაშინ მოსცემდა წყალი იგი მკსინვარებასა სიცივისასა. და ვითარცა შთაჰდეს ყმანი იგი მდინარესა მას და ნათელ-სცა ხუცესმა მან სახელითა მამისადთა და მისადთა და სულისა წმიდისადთა, და იტყოდა ჟამობასა ამას: "სული წმიდად გარდამოჰდა ვითარცა ტრედი ზედა იორდანესა, რაჟამს ქრისტე ნათელს იღებდა, ანგელოზნი თანა- უდგეს, ამას გალობასა იტყოდეს - აღილუიად, აღილუიად". მაშინ მოსცა წყალმან მან ფრიადი სიტფოდ ვითარცა აბანომან. და ბრძანებითა ღმრთისადთა სამოსელნი სპეტაკნი მოიხუნეს ანგელოზთა ზეცით და შეჰმოსნეს ყრმათა მათ ახალ ნათელ-ღებულთა უხილავად კაცთაგან. და ყრმანი იგი ქრისტეანენი ექმნნეს მათ ნათლის-მამა, და არლარა მიაქციეს ყრმათა მათ ნათელ-ღებულთა მშობელთა მათთა თანა, არამედ დაადგრეს ქრისტეანეთა თანა და იყოფვოდეს მათ თანა.

II

და შემდგომად რავდენთამე ჟამთა აგრძნეს მშობელთა მათთა საქმწ ესე და გამოიტაცნეს ყრმანი იგი მძლავრობით სახლებისაგან ქრისტეანეთადსა დიდითა შეურაცხებითა და რისხვითა, გულისწყრომითა და გინებითა, და მოიყვანნეს სახლად თვისა. დაჰბძარნეს თავნი მათნი და დაალებნეს ჯორცნი მათნი ფიცხლითა მით ცემითა. ხოლო მათ ესთენ ოდენ მიუგეს და ჰრქუეს მშობელთა მათთა:

“ჩვენ ქრისტეანენი ვართ და არა ჯერ- არს ვითარმცა ვჰამეთ და ვსუთ ნაგები კერპთაჲ“. და დაყვეს ყრმათა მათ შუდი დღჳ უჰმელად და უსუმელად და არაისა გემოდ იხილეს, არამედ იზარდებოდეს სულისა მიერ წმიდისა, რომელიცა ნათლის-ღებასა შეიმოსეს. მაშინ უთქუმიდეს მშობელნი მათნი ყოველსა კეთილსა და სამოსელსა ჭრელსა თითო ფერსა. ხოლო მათ იგივე სიტყუად თქვან, ვითარმედ „ჩვენ ქრისტეანენი ვართ და არარაჲ გჳმს თქუენგან, არამედ განგჳტევენით და წარვიდეთ ქრისტეანეთა თანა“. და ვითარ ვერ შეუძლეს მტკიცჳ იგი სარწმუნოებაჲ მათი [შერყევად], მივიდეს მთავრისა წინაშე მის ჟამისასა, რამეთუ იყო იგიცა წარმართი, და აუწყეს ყოველი იგი ყოფილი და საქმჳ ყრმათაჲ მათ. ხოლო მთავარმან მან ჰრქუა მათ: „შვილნი თქუენნი არიან, ჳელმწიფებაჲ გაქუს, უყავთ რაჲცა გნებავს“, ხოლო მათ ჰრქუეს: „ბრძანე და მოვედ ჩუენ თანა და ქვითა განგტჳნნეთ იგინი, რაჲთა არა სხუანი აჰბადდენ და ქრისტეანე იქმნენ“. და ხუცესსა მას ზედა არა მცირედი ჳირი მიაწიეს, რამეთუ იავარ-ყვეს ყოველი ნაყოფი მისი და განიყვეს მონაგები მისი და დასდვეს თავსა მისსა წყლულებაჲ ფიცხელი, კნინ ერთ და მო-მცა- კლეს და განჳადეს სამკჳდრებელით თჳსით.

III

მაშინ განაჩინეს დღჳ იგი ღუაწლისაჲ წმიდათა მათ მოწამეთაჲ. და გამოვიდა მთავარი იგი და მის თანა სიმრავლჳ ერისაჲ ურიცხჳ. და მოვიდეს თავსა მას ზედა წყაროდსასა, სადა-იგი ნათელ ელო წმიდათა მათ ყრმათა. დათხარეს ჳნარცჳ ფრიად ღრმაჲ და მოიყვანნეს მშობელთა მათთა წმიდანნი იგი ყრმანი და შთაყარნეს ჳნარცუსა მას შინა. ხოლო იგინი იყვნეს რომელიმე ცხრისა წლისაჲ და რომელიმე შუდისა წლისაჲ, გინა უფრო, გინა უმცრო. სხუად არარაჲ იცოდეს რაჲმცა თქუეს, ამას ოდენ იტყოდეს: “ჩვენ ქრისტეანენი ვართ და მისთჳსცა მოვსწყდებით, და მოვკუდებით, რომლისა მიმართ ნათელ-ვიდეთ“. მაშინ უღმრთოთა მათ მშობელთა მათთა განუხეთქნეს თავნი მათნი და განტჳნნეს იგინი. გუელთა და იქედნეთა, ასპიტთა და მჳეცთა იციან წყალობაჲ შვილთაჲ,

ხოლო ამათ უმჯულოთა არა ყვეს წყალობად შვილთა მათათჳს. და სიმრავლემან ერისამან დაჰკრიბეს ქვაჲ ვიდრემდის აღავსეს ჳნარცჳ იგი და დაფარნეს ქვითა წმიდანი იგი გუამნი მათნი და მიწად იგი აღმოთხრილი მიასხეს ზედა კერძო მათსა. და ექმნა მათ ადგილი იგი სამარხო და სამარტკლო წმიდათა მათ ნაწილთა მათთა. მაშინ აღესრულა სიტყუად იგი სახარებისად: "მისცეს ძმამან ძმად სიკუდიდ და მამამან შვილი, და აღდგენ მამა-დედანი შვილთა მათთა ზედა და მოჰკლვიდენ მათ". და სრულ იქმნა წამებაჲ მათი და შეირაცხნეს იგინი პირველთა მათ მოწამეთა თანა და მათ თანა იხარებენ სასუფეველსა ცათასა გვრგვნოსანნი წინაშე უფლისა ჩუენისა იესუ ქრისტჳსა, რომელსა შუენის დიდებაჲ და პატივი და თაყუანის-ცემად თანა მამით და სულით წმიდითურთ აწ და მარადის და უკუნითი უკუნისამდე. ამჴნ.